



BIRO PENGADUAN AWAM

JABATAN PERDANA MENTERI

Aras 6, Blok B1

Pusat Pentadbiran Kerajaan Persekutuan

62502 PUTRAJAYA

WILAYAH PERSEKUTUAN



No. Tel : 03 - 8888 7777

No. Fax : 03 - 8888 3748

No. Ruj : BPA.PA.87/4/6 Jld 23 ()
Tarikh : 20 NOVEMBER 2013

UNIT KOMUNIKASI KORPORAT

Keratan Akhbar Harian

Akhbar : Kosmo
Tarikh : 20 November 2013 (Rabu)
Tajuk : **JPN henti sementara pengeluaran Mykid**
Segmen : Negara
Muka Surat : 19
Tindakan : Makluman

JPN henti sementara pengeluaran MyKid

KUALA LUMPUR — Lazimnya, ibu bapa yang baharu menimang cahaya mata akan terus membuat permohonan sijil kelahiran bersama permohonan MyKid untuk anak mereka.

Namun, tidak ramai yang mengetahui bahawa Jabatan Pendaftaran Negara (JPN) telah menghentikan buat sementara percetakan MyKid sejak 1 Ogos lalu sehingga April 2014.

Pegawai Perhubungan Awam JPN, Jainisah Mohd. Noor berkata, percetakan MyKid dihentikan buat sementara waktu untuk tujuan kajian semula faktor keselamatan dan kepentingan pengeluaran MyKid.

"Langkah itu bagi memberi ruang kepada kami untuk meningkatkan ciri-ciri

keselamatan MyKid, menambah baik ciri-ciri fizikalnya di samping memperluaskan penggunaan kad pengenalan kanak-kanak itu.

"Pelbagai urusan masih boleh dilakukan dengan menggunakan surat beranak dan MyKid masih boleh dimohon sehingga kanak-kanak berumur 12 tahun," katanya ketika dihubungi baru-baru ini.

MyKid adalah kad pengenalan diri bercip yang dikeluarkan kepada kanak-kanak yang berumur di bawah 12 tahun.

Ciri-ciri MyKid adalah sama seperti MyKad cuma ia tidak mempunyai gambar

dan cap jari. Pada kad tersebut terdapat nombor pengenalan diri yang akan digunakan di dalam semua urusan dari lahir hingga ke akhir hayat.

Mykid mengandungi 3 aplikasi utama yang terkandung di dalam cip iaitu aplikasi JPN (data kelahiran), maklumat kesihatan dan maklumat pendidikan.

Ia boleh dipohon oleh ibu bapa atau penjaga kanak-kanak warganegara Malaysia yang berumur di bawah 12 tahun.

Jainisah memberitahu, sejak 2010 sehingga 2013, sebanyak 2,273,382 keping MyKid telah dikeluarkan oleh JPN.



JAINISAH